



子經註

□ 12  
995  
3





12  
995  
3

寶洲山  
常念寺



孝經註疏卷第七

宋邢昺校

皇明朝列大夫國子監祭酒臣韓世能等奉



勅重校刊

廣至德章第十三

正義曰首章標至德之目此章明廣至德之義故以名章次廣

要道

之後

子曰君子之教以孝也非家至而日見之也

言教不

必家到戶至日見而語之但行孝於內其化自流於

外教以孝所以敬天下之為人父者也教以悌所以

敬天下之為人兄者也

註

舉孝悌以為教則天下之

月 日 年



為人子弟者無不敬其父兄也

教以臣所以敬天下

之為人君者也

註

舉臣道以為教則天下之為人臣

者無不敬其君也

疏

子曰至君者也。正義曰此夫

教人行孝事其親者非家家悉至而日見之但教之以孝則天下之為人父者皆得其子之敬也教之以悌則天下之為人兄者皆得其弟之敬也教之以臣則天下之為人君者皆得其臣之敬也。註言教至於外乎道路至乎閭巷是流於外也。註舉孝至父兄也。正義曰云舉孝悌以為教者此依王註也案禮記祭義曰祀乎明堂所以教諸侯之孝也食三老五更於太學所以教諸侯之悌也此即謂發諸朝廷至乎州里是也云則天下之為人子弟者無不敬其父兄也者言皆敬也案舊註用應劭漢官儀云天子無父父事三老兄事五更乃以事父事兄為教孝悌之禮案

十

禮教敬即有明文假今天子事三老蓋同庶人倍年以長之敬本非教孝子之事今所不取也。註舉臣

至君也。正義曰此依王註也案祭義云朝覲所以

教諸侯之臣也者諸侯列國之君也若朝覲於王則

身行臣禮言聖人制此朝覲之法本以教諸侯之為

臣也則諸侯之卿大夫亦各放象其君而行事君之

禮也劉炫以為將教為臣之道固須天子身行者按

禮運曰故先王患禮之不達於下也故祭帝於郊謂

郊祭之禮冊祝稱臣是亦以見天子以身率下之義也。詩云愷悌君子民之父

母。註愷樂也悌易也義取君以樂易之道化人則為

天下蒼生之父母也。非至德其孰能順民如此其大

者乎。疏詩云至者乎。正義曰夫子既述至德之教

備易也言樂易之君子能順民心而行教化乃為民

之父母若其至德之君其誰能順民心如此其廣大



者乎孰誰也按禮記表記稱子言之君子所謂仁者其難乎詩云愷悌君子民之父母愷以強教之悌以說安之使民有父之尊有母之親如此而後可以為民父母矣非至德其孰能如此乎此章於孰能下加順民如此下加其大者與表記為異其大意不殊而皇侃以為弁結要道至德兩章或失經旨也劉焯以為詩美民之父母證君之行教未證至德之大故於詩下別起歎辭所以異於餘章頗近之矣○愷樂樂至母也○正義曰愷樂悌易釋詁文云義取君以樂易之道化人則為天下蒼生之父母也者亦言引詩大意如此蒼生尚書文謂天下黔首蒼蒼然衆多之貌也孔安國以為蒼蒼然生草木之處今不取也

廣揚名章第十四疏

正義曰首章略言揚名之義而未審而於此廣之故以名章次

至德之後

子曰君子之事親孝故忠可移於君

以孝事君則忠

事克悌故順可移於長

以敬事長則順

居家理故

治可移於官

君子所居則化故可移於官也

是以

行成於內而名立於後世矣

脩上三德於內名自

傳於後代

疏子曰至世矣○正義曰此夫子廣述揚

為忠可移孝行以事君也事兄能悌者故資悌為順可移悌行以事長也居家能理者故資治為政可移於績以施於官也是以君子居能以此善行成之於內則令名立於身沒之後也先儒以為居家理下闕一故字御註加之○以孝事君則忠○正義曰此一章之文義已見於上○以敬事長則順○正義曰此依鄭註也亦士章之敬悌義同已具上釋然人之行敬則有輕有重敬父敬君則重也敬先敬長則輕也○君子至官也○正義曰此依鄭註也論語云君子不器言無所不施○修上至後代○正義



曰此依鄭註也三德則上章云移孝以事於君移悌以事於長移理以施於官也言此三德不失則其令名常自傳於後世經云立而註為傳者立謂常有之名傳謂不絕之稱但能不絕即是常有之行故以傳釋立也

諫諍章第十五疏

正義曰此章言為臣子之道若遇君父有失皆諫諍也魯子問聞揚名已上之義而問子從父之令夫子以善惡不可盡從乃為述諫諍之事故以名章次揚名之後

曾子曰若夫慈愛恭敬安親揚名則聞命矣敢問子從父之令可謂孝乎

而問之疏 曾子至孝乎。正義曰前章以來唯論愛敬及安親之事未說規諫之道故又假曾

子之問曰若夫慈愛恭敬安親揚名則已聞命矣敢問子從父之教今亦可謂之孝乎疑而問之故稱乎也尋上所陳唯言敬愛未及慈恭而曾子并言慈恭已聞命矣者皇侃以為上陳愛敬則包於慈恭矣慈者發於愛者念惜恭者貌多心少敬者心多貌少如侃之說則慈恭愛敬之別何故云包慈恭也或曰慈者接下之別名愛者奉上之通稱劉炫引禮記內則說子事父母慈以旨其衷服四制云高宗慈良於寒莊子曰事親則孝慈此並施於事上夫愛出於內慈為愛體敬生於心恭為敬貌此經念陳事親之迹樂有接下之文夫子據心而為言所以唯稱愛敬會參禮貌而兼取所以弁舉慈恭如劉炫此言則知慈是愛親也恭是敬親也安親則上章云故生則親安之揚名即上章云揚名於後世矣經稱夫有六焉蓋發言之端也一日夫孝始於事親二曰夫孝德之本三曰夫孝人之經四曰夫然故生則親安之五曰夫聖人之德此章云若夫慈愛位却明前理而下有其無故言夫以起之劉瓛曰夫猶凡也。事父至問之



正義曰禮記檀弓云事親有隱而無犯以經云從父之令故註變親為父按論語云事父母幾諫見志不從又敬不違引此一文以成子曰是何言與是何疑疏證曾子有可問之端也

者天子有爭臣七人雖無道不失其天下諸侯有爭

臣五人雖無道不失其國大夫有爭臣三人雖無道

不失其家降殺以兩尊卑之差爭謂諫也言雖無

道為有爭臣則終不至失天下亡家國也士有爭友

則身不離於今名命善也益者三友言受忠告改

不失其善名父有爭子則身不陷於不義父失則

諫故免陷於不義故當不義則子不可以不爭於父

臣不可以不爭於君不爭則非忠孝故當不義則

爭之從父之令又焉得為孝乎子曰至孝乎。正義曰夫子以曾參

所問於理再備陳諫爭之義因乃論而答之曰汝之此問是何言與再言之者明其深不可也既論之後乃為曾子說必須諫爭之事言臣之諫君子之諫父自舌依然故言昔者天子治天下有諫爭之臣七人雖復無道昧於政教不至失於天下言無道者謂無道德諸侯有諫爭之臣五人雖無道亦不失其國也大夫有諫爭之臣二人雖無道亦不失於其家士有諫爭之友則其身不離遠於善名也父有諫爭之子則身不陷於不義故君父有不義之事凡為臣子者不可以不諫爭以此之故當不義則須諫之又結此以答曾子曰今若每事從父之令又焉得為孝乎言不得也按曾子唯問從父之令不指當時而言昔者



皇保云夫子述孝經之時當周亂衰之代無此諫爭之臣故言昔者也不言先王而言天子者諸稱先王者皆指聖德之主此言無道所以不稱先王也。國有非至不義。正義曰言父有非子從而行不諫是成父之不義云。理所不可故再言之者義見於上。國降殺至國也。正義曰左傳云自上以下降殺以兩禮也謂天子尊故七人諸侯卑於天子降兩故有五人大夫卑於諸侯降兩故有二人論語云信而後諫左傳云伏死而爭此蓋謂極諫為爭也若隨無道人各有心鬼神之主季梁猶在楚不敢伐是有爭臣不亡其國舉中而率則大夫天子從可知也。言國家嫌如獨指一國也。國則諸侯也家則大夫也。註貴者受故曰家國也。按孔鄭二註及先儒所傳並引禮記文王世子以解七人之義。按文王世子記曰虞夏商周有師保。有疑丞。設四輔及三公。不必備。惟其人。又尚書大傳曰古者天子必有四鄰。前曰疑。後曰丞。左曰輔。右曰弼。天子有問。無對。責之疑。疑可志。而不志。責之丞。丞可正。而不正。責之輔。可揚。而不揚。責之弼。其爵

視鄉其祿視次國之君。大傳四鄰則見之。四輔兼三公以充七人之數。諸侯五者。孔傳指天子所命之孤及三卿與上大夫。王肅指三卿內史。外史以充五人。之數。大夫三者。孔傳指家相室老側室。以充三人。之數。王肅無側室而謂邑宰。斯並以意解說。恐非經義。劉炫云案下文云子不可以不爭於父。臣不可以不爭於君。則為子為臣皆當諫爭。豈獨大臣當爭。小臣不爭乎。豈獨長子當爭。其父眾子不爭者乎。若父有十子。皆得諫爭。王有百辟。惟許七人。是天子之佐。乃少於匹夫也。又按洛誥云成王謂周公曰誕保文武受民。亂為四輔。罔命穆王命伯冏。惟予一人無良。實賴左右。前後有。位之士匡其不及。據此而言。則左右前後四輔之謂也。疑丞輔弼當指於諸臣。非是。別立官也。謹按周禮不列疑丞。周官歷敘羣司。顧命總名卿士。左傳云龍師鳥紀曲禮云五官六犬無言。疑丞輔弼專掌諫爭者。若使爵視於鄉祿比次國。周禮何以不載。經傳何以無文。且伏生大傳以四輔解為四鄰。孔註尚書以四鄰為前後左右之臣。而不為疑丞



輔弼安得文采其說也左傳稱周主申父之為太史也命百官箴箴王闕師曠說匡諫之事史為書瞽為詩士誦箴諫大夫規誨士傳言官師相規工執藝事以諫此則凡在人臣皆合諫也夫子言天子有天下之廣七人則足以見諫爭功之大故舉少以言之也然父有爭子士有爭友雖無定數要一人為率自下而上稱增二人則從上而下當如禮之降殺故舉七五三人也劉炫之讜義雜合通途何者傳載忠言比於藥石逆耳苦口隨要而施若指不備之員以匡無道之主欲求不失其可得乎先儒所論今不取也○  
 ①令善至善名○正義曰令善也釋詁文去益者三友論語文即友直友諒友多聞益矣是也云言受忠告故不失其善名者論語云子貢問友子曰忠告而不失土獨云不離不離即不失也○國父失至不義○正義曰此依鄭註也按內則云父母有過下氣怡色柔聲以諫諫若不入起敬起孝說則復諫曲禮曰子之事親也三諫而不聽則號泣而隨之言父有非

故須諫之以正道  
 庶免陷於不義也

孝經註疏卷第七



孝經註疏卷第八

宋邢昺校

皇明朝列大夫國子監祭酒臣韓世能等奉

勅重校刊

感應章第十六疏

正義曰此章言天地明察神明彰

應感之事也前章論諫爭之事通於神明皆是之善必能脩身慎行致應感之福故以名章次於諫爭之後

子曰昔者明王事天孝故事天明事母孝故事地察

王者父事天母事地言能故事宗廟則事天地能明

察也長幼順故上下治

註

君能尊諸父先諸兄則長



勿之道順君人之化理

天地明察神明彰矣

事天

地能明察則神感至誠而降福佑故曰彰也疏子日

明王至神明彰矣。正義曰此章夫子述明王以孝事父母能致感應之事言昔者明聖之王事父能孝故事天能明言能明天之道故易說卦云乾為天為父此言事父孝故能事天。明是事天之孝通天也。事母能孝故事地能察言能察地之理故說卦云坤為地為母此言事母孝故事地。地能明察則神感至誠而降福佑。故曰彰也。按白虎通云王者父天母地也。明王又於宗族長幼之中皆順於禮則凡狂上之人皆自化也。又明王之事天地既能明察必致福應則神明之功彰見謂陰陽和風雨時人無疾厲天下安寧也。經稱明王者二焉。一曰昔者明王之以孝治天下也。二即此章言昔者明王事父孝俱是聖明之義與先王為一也。言先王示及遠也。言明王示聰明也。註王者至察也。正義曰云王者父事天母事地者此依王註義也。按白虎通云王者父天母

地此言事者謂移事父母之孝以事天地也。云言能敬事宗廟則事天地能明察也。者謂蒸嘗以時疏數合禮是敬事宗廟也。既能敬宗廟則不違犯天地之時。若祭義曾子曰樹木以時伐焉禽獸以時殺焉夫子曰斷一樹殺一獸不以其時非孝也。又王制曰獺祭魚然後虞人入澤梁豺祭獸然後田獵鳩化為鷹然後設罝羅草木零落然後入山林昆蟲未蟄不以火田此則令無大小皆順天地是事天地能明察也。○註君能至化理。正義曰此言明王能順長幼之道則臣下化之而自理也。謂放效於君書曰遵上所命從厥攸好是效之也。○註事天至彰也。正義曰誠和也。言事天地若能明察則神祇感其至和而降福應以佑助之。是神明之功章見也。書云至誠感神又瑞應圖曰聖人能順天地則天降膏露地出醴泉詩云降福穰穰易曰自天祐之吉無不利。註約諸文以釋之也。按此則神感至和當為至誠今定本作至誠字之。故雖天子必有尊也言有父也必有先也言誤也。



有兄也

父謂諸父兄謂諸兄皆祖考之胤也禮君

燕族人與父兄齒也

宗廟致敬不忘親也

言能敬

事宗廟則不敢忘其親也

修身慎行恐辱先也

天

子雖無上於天下猶脩持其身謹慎其行恐辱先祖

而毀盛業也

宗廟致敬鬼神著矣

事宗廟能盡敬

則祖考來格享於克誠故曰著也

孝悌之至通於神

明光于四海無所不通

能敬宗廟順長幼以極孝

悌之心則至性通於神明光于四海故曰無所不通

疏

故雖至不通。正義曰故者連上起下之辭以地上文云事父孝又云事母孝人云長幼順所以於地

述尊父先兄之義以及致敬與修身之道兼言鬼神  
之著孝弟之至無所不通也言王者雖貴為天子於  
天下宗廟之中必有所尊之者謂天子有諸父也必  
有所先之者謂天子有諸兄也宗廟致敬是不忘其  
親修身慎行是不辱其祖考故能致敬於宗廟則鬼  
神明著而歌享之是明王有孝悌之至性感通神明  
則能光于四海無所不通然諫議兼有諸侯大夫此  
章惟稱王者言王能致應感則諸侯已下亦當自勉  
焉也。○疏父謂至齒也。正義曰云父謂諸父况謂  
諸兄者父之昆弟曰伯父叔父己之昆弟曰兄其屬非  
一故言諸也詩曰以速諸父又曰復我諸兄是也云  
皆祖考之胤也者按曲禮曰父死曰考言父以上通  
謂之祖考胤嗣也謂其廟未毀其胤皆是王者之族  
親也云禮君燕族人與父兄齒也者此依孔傳也按  
詩序角弓父兄刺幽王蓋謂君之諸父諸兄也古者  
天子祭畢同姓則留之謂與族人燕故其詩曰諸父  
兄弟備言燕私鄭箋云祭畢歸賓客之俎同姓則留  
與之燕是天子燕族人也又禮記文王世子云若公



與族燕則異姓為賓，膳宰為主人，公與父兄齒，則知燕族人亦以尊甲為列齒於父兄之下也。○註言能至親也。○正義曰：按禮記文王世子稱五廟之孫，祖廟夫毀雖為庶人冠取妻必告死必赴是不忘親也。禮記大傳稱其不可得變革者則有矣，親親也，尊尊也，長長也，親親故尊祖尊祖故敬宗敬宗故收族收族故宗廟嚴言君致敬宗廟則不敢忘其親也。○註天子至業也。○正義曰：云天子雖無上於天下者此依王註也。禮坊記云天子無二日土無二王家無二主尊無二上謂普天之下天子至尊也。云猶脩持其身謹慎其行恐辱先祖而毀盛業也者，按禮記祭義云父母既沒慎行不辱先也，盛業謂先祖積德累功而有天下之業上言必有先也，先兄也，此言恐辱先也。是先祖也。○註事宗至著也。○正義曰：云祖考來格者尚書益稷文格至也，言事宗廟能恭敬則祖考之神來格。詩曰神保是格報以景福亦是言神之至云享於克誠故曰著也者，享於克誠尚書太甲篇文孔傳云言鬼神不保一人能誠信者則享其祀則祖考

來格享於克誠皆昭著之義上言宗廟致敬謂天子尊諸父先諸兄致敬祖考不敢忘其親也。此言宗廟致敬述天子致敬宗廟能感鬼神雖同稱致敬而各有所屬也。舊註以為事生者易事死者難，聖人慎之故重其文今不取也。上言神明謂天地之神也。此言鬼神謂祖考之神易曰陰陽不測之謂神先儒釋云若就三才相對則天曰神地曰祗人曰鬼言天道玄遠難可測故曰神也祗者知也言地去人近長育可知故曰祗也鬼者歸也言人生於無還歸於無故曰鬼也亦謂之神按五帝德云黃帝死而民畏其神百年是也。上言神明尊天地也。此言鬼神尊祖考也。○註能敬至不通。○正義曰：能敬宗廟順長幼以極孝第之心者敬宗廟為孝順長幼為悌此極孝悌之心也。云則至性通於神明光于四海故曰至性如此則通於神明。詩云自西自東自南自北無思不服。註義取德教流行莫不服義從化也。○註詩云至不服。○正義曰：夫子述孝悌



之行愛敬之美。既畢，乃引大雅文，王有聲之詩，以贊美之。自從也。夫從近及遠，至於四方，皆感德化，無有思而不服之者。以明無所不通。詩云：文王既薨，四方皆歸。自西自東，自南自北，無思不服。此則雍東北服對句，為韻而皇侃云：先言西者，此是周施德化，從西起所也。文王為西伯，又為西鄰自西而東，商紂恐非其西也。○正義取至化也。○正義曰：此依鄭註也。德化流行，則無不通。服義從化，即無思不服。言服明王之義，從明王之化也。

### 事君章第十七

疏

正義曰：此章首言君子之事上，又言進思盡忠，退思補過，皆是事君之道。孔子曰：天下有道，則見無道則隱。前章言明王之德，應感之美，天下從化，無思不服。此孝子在朝事君之時也。故以下各章次應感之後。

上謂君也。進思盡忠，退思補過，皆是事君之道。孔子曰：天下有道，則見無道則隱。前章言明王之德，應感之美，天下從化，無思不服。此孝子在朝事君之時也。故以下各章次應感之後。

### 子曰君子之事上也

疏

正義曰：此章首言君子之事上，又言進思盡忠，退思補過，皆是事君之道。孔子曰：天下有道，則見無道則隱。前章言明王之德，應感之美，天下從化，無思不服。此孝子在朝事君之時也。故以下各章次應感之後。

進思盡忠

疏

君則思盡忠節

退思補過

君有過失則思補益

順其美

將行也君有美善則順而行之

匡救其惡

匡正也救止也君有過惡則正而止之

故上下能

相親也

下以忠事上上以義接下君臣同德故能相親也

相親

子曰至親也。正義曰：此明賢人君子之事君也。言入朝進見與謀慮國事則思盡其忠節若退朝而歸常念己之職事則思補君之過失其於政化則當順行君之美道止正君之過惡如此則能君臣上下情志通協能相親也。經稱君子有七焉：一曰君子不貴，二曰君子則不然，三曰淑人君子四曰君子之教以孝，五曰愷悌君子已上皆斷章指於聖人君子謂居君位而子下人也。六曰君子之事親孝故此章君子之事上則皆指於賢人君子也。○正義曰：此對論語云：孝悌而好犯上者，上謂君也。正義曰：此對論語云：孝悌而好犯上者，

上謂君也。正義曰：此對論語云：孝悌而好犯上者，



鮮矣彼上謂凡在已上者此上惟指君故云上謂君也。○註進見至忠節。正義曰此依章註也說文云忠敬也盡心曰忠字詁曰忠直也論語曰臣事君以忠則忠者善事君之名也節操也言事君者敬其職事直其操行盡其忠誠也言臣常思盡其節操能致身授命也。○註君有至補益。正義曰按舊註章昭云退居私室則思補其身過以禮記少儀曰朝廷曰退燕遊曰歸左傳引詩曰退食自公杜預註臣自公門而退入私門無不順禮室猶家也謂退朝理公事畢而還家之時則當思慮以補身之過故國語曰士朝而受業晝而講貫夕而習復夜而計過無憾而後即安言若有憾則不能安是思自補也按左傳晉荀林父為楚所敗歸請死於晉侯晉侯許之士渥濁諫曰林父之事君也進思盡忠退思補過晉侯放之使復其位是其義也文意正與此同故註依此傳文而釋之今云君有過則思補益出制旨也義取詩大雅烝民云衮職有闕惟仲山甫補之毛傳云有衮冕者君之上服也仲山甫補之善補過也鄭箋云衮職者

不敢斥王言也王之職有闕輒能補之者仲山甫也此理為勝故易舊也。○註將行至行之。正義曰此依王註也案孔註尚書太誓云肅將天威為敬行天罰是將訓為行也言君施政教有美則當順而行之。○註匡正也救止也。正義曰此依王註也匡正釋詁文也馬融註論語云救猶止也云君有過惡則正而止之者尚書云予違汝弼汝無面從是也。○註下以至相親。正義曰此依魏註也書曰君上克明為下克忠是其義也左傳曰君義臣行如此則能相親也。詩云心乎愛矣遐不謂矣中心藏之何日忘之。○註退遠也義取臣心愛君雖離左右不謂為遠愛君之志恒藏心中無日暫忘也。○註疏詩云至忘之。正義曰夫子述事君之道既已乃引小雅烝烝之詩以結之言忠臣事君雖復有時離遠不在君之左右然其心之愛君不謂為遠中心常藏事君之道何日暫忘之。○註退遠至忘也。○正



義曰云退遠也義取臣心愛君雖離左右不謂為遠者退遠也釋詁文此釋心乎愛矣退不謂矣云愛君之志恒藏心中無日暫忘也者釋中心藏之何日忘之按檀弓說事君之禮云左右就養有方此則臣之事君有常在左右之義也若周公出征管叔蔡叔召公聽訟於甘棠是離左右也

孝經註疏卷第八

*[Faint bleed-through text from the reverse side of the page]*

孝經註疏卷第九

宋邢昺校

皇明朝列大夫國子監祭酒臣韓世能等奉

勅重校刊

喪親章第十八疏

正義曰此章首云孝子之喪親也故章中皆論喪親之事喪亡也失也父母之亡沒謂之喪親言孝子亡失其親也故以名章結之於末矣

子曰孝子之喪親也

哭不偯

氣竭而息聲不委曲

禮無容

觸地無容

言不文

不為文飾

服美不安

不安美飾故服練

麻聞樂不樂

悲哀在心故不樂也

食旨不甘

旨



美也不其美味故疏食水飲此哀戚之情也謂上

六旬三日而食教民無以死傷生毀不滅性此聖人

之政也註不食三日哀毀過情滅性而死皆虧孝道

故聖人制禮施教不令至於殞滅喪不過三年示民

有終也註三年之喪天下達禮使不肖企及賢者俯

從夫孝子有終身之憂聖人以三年為制者使人知

有終竟之限也疏子曰至終也○正義曰此夫子述

竭而止不有餘儀之聲舉措進退之禮無趨翔之容  
有事應言則言不為文飾服美不以為安聞樂不以  
為樂假食美味不以為其此上六事皆哀戚之情也  
三日而食者聖人設教無以親死多月不食傷及生

人雖即毀藩不令至於殞滅性命此聖人所制喪禮  
之政也又服喪不過三年示民有終畢之限也○註  
生事至此事○正義曰此依鄭註也生事謂上七  
章說生事之禮已畢其死事經則未見故又發此章  
以言也○註氣竭至委曲○正義曰此依鄭註也禮  
記間傳曰斬衰之哭若往而不反齊衰之哭若往而  
反此註據斬衰而言之是氣竭而後止息又曰大功  
之哭三曲而俛鄭註云三曲一舉聲而三折也俛聲  
餘從容也是俛為聲餘委曲也斬衰則不俛故云聲  
不委曲也○註觸地無容○正義曰此禮記問喪之  
文也以其悲哀在心故形變於外所以稽顙觸地無  
容哀之至也○註不為文飾○正義曰案喪服四制  
云三年之喪君不言又云不言而事行者扶而起言  
而後事行者杖而起鄭玄云扶而起謂天子諸侯也  
杖而起謂大夫士也今此經云言不文則是謂  
也雖則有言志在哀感不為文飾也○註不安至緣  
麻○正義曰案論語孔子責宰我云食夫稻衣夫錦  
於汝安乎美飾謂錦繡之類也故禮記問喪云身不



安美是也孝子喪親心如斬截為其不安美飾故聖人制禮令服緘麻當以麤布長六寸廣四寸麻為腰經首經俱以麻為之緘之言摧也經之言實也孝子服之明其心實摧痛也韋昭引書云成王既崩康王冕服即位既事畢反喪服據此則天子諸侯但定位初喪是皆服美故宜不安也○註悲哀至樂也○正義曰此依鄭註也言至痛中發悲哀在心雖聞樂聲不為樂也○註旨美至水飲○正義曰旨美經傳常訓也嚴植之曰美食人之所其孝子不以為其故問喪云口不其味是不其美味也問傳曰父母之喪既殯食粥既虞卒哭疏食水飲不食菜果是疏食水飲也韋昭引曲禮云有疾則飲酒食肉是為食旨故宜不其也○註不食至殯滅○正義曰經云三日而食毀不滅性註言不食三日即三日不食也云哀毀過情者是毀瘠過度也言三日不食及毀瘠過度因此二者有致危亡皆虧孝行之道禮記問喪云親始死傷腎乾肝焦肺水漿不入口三日又問傳稱斬衰三日不食此云三日而食者何劉炫言三月之後乃食

皆謂滿三日則食也云故聖人制禮施教不令至於殯滅者曲禮云居喪之禮毀瘠不形又曰不勝喪乃此於不慈不孝是也○註三年至限也○正義曰云三年之喪天下達禮者此依鄭註也禮記三年問云夫三年之喪天下之達喪也鄭玄云達謂自天子至於庶人註與彼同唯改喪為禮取云使不肖企及賢者俯從者案喪服四制曰此喪之所以三年賢者不得過不肖者不得不及檀弓曰先王制禮也過之者俯而就之不至焉者跂而及之也註引彼二文欲舉中為節也起禮曰企俛首曰俯云夫孝子有終身之憂聖人以三年為制者聖人雖在三年為文其實一十五年而畢故三年問云將由夫脩飾之君子與則三年之喪二十五月而畢若駒之過隙然而遂之則是無孺也故先王焉為之立中制節壹使足以成文理則釋之矣是也喪服四制曰始死三日不怠三月不釋期悲哀三年憂思之殺也故孔子云子生三年然後免於父母之懷夫三年之喪天為之棺槨衣衾下之達喪也所以喪必三年為制也



而舉之註

周戶為棺周棺為椁衣謂斂衣衾被也舉

謂舉屍內於棺也

陳其簠簋而哀感之註

簠簋祭器

也陳奠素器而不見親故哀感也

擗踊哭泣哀以送

之註

男踊女擗祖載送之

卜其宅兆而安措之註

墓穴也兆筮域也葬事大故卜之

為之宗廟以鬼享

之註

立廟於祖之後則以鬼禮享之

春秋祭祀以時

思之註

寒暑變移益用增感以時祭祀展其孝思也

疏

為之至思之。正義曰此言送終之禮及三年之

後宗廟祭祀之事也言孝子送終須為棺椁衣衾

既長依丘壟故卜選宅兆之地而安置之既葬之後則為宗廟以鬼神之禮享之三年之後感念於親春秋祭祀以時思之也。周戶至棺也。正義曰云周戶為棺周棺為椁者欲人之弗得見也是故衣足以飾身棺藏也藏也者欲人之弗得見也是故衣足以飾身棺周於衣椁周於棺土周於椁註約彼文故言周戶為棺周棺為椁也白虎通云棺之言完宜完密也擗之言擗謂開闢不使土侵棺也易繫辭曰古之葬者厚衣之以薪葬之中野不封不樹喪期無數後世聖人易之以棺槨案禮記云有虞氏瓦棺夏后氏罍周殷人棺槨周人槨置妻則虞夏之時棺槨之初也云云謂斂衣衾被也舉謂舉屍內於棺也者此依孔傳也衣謂襲與大小斂之衣也衾謂單被覆尸薦尸所用從初死至大斂凡三度加衣也一謂襲也謂沐尸竟著衣也天子十二稱公九稱諸侯七稱大夫五稱士三稱釁皆有棺槨之上又有衣一通朝祭之服謂之一稱二是小斂之衣也天子至士皆十九稱不復用袍衣皆有絮也三是大斂也天子百二十稱公九十



稱諸侯七十稱大夫五十稱士三十稱衣皆禪拾也  
喪大記云布紵二衾君大夫士一也鄭玄云二衾者  
或覆之或薦之是舉屍所用也棺槨之數貴賤不同  
皇侃據檀弓以天子之棺四重謂水兕革棺地棺  
梓棺二最在內者水牛皮次外兕生皮各厚三寸為  
一重合厚六寸又有地棺厚四寸謂之槨棺言漆之  
驚驚然前二物為二重合三寸外又有梓棺厚六寸  
謂之屬棺言連屬內外就前四物為三重合厚一尺  
六寸外又有梓棺厚八寸謂之棺棺言其最大在象  
棺之外就前五物為四重合厚二尺四寸也上公去  
水牛皮則三重合厚一尺一寸也侯伯子男又去兕  
牛皮則二重合厚一尺八寸上大夫又去梓棺一重  
合厚一尺四寸下大夫亦一重但屬四寸大棺六寸  
合厚一尺士不重無屬唯大棺六寸庶人即棺四寸  
案檀弓云棺槨以端長六尺又喪大記曰君松槨大  
夫栝槨士雜木槨是也○註籃籃至感也○正義曰  
籃籃祭器也者周禮舍人職云凡祭祀供籃籃實之  
陳之是籃籃為器也故鄭玄云方曰籃圓曰籃盛黍

稷稻粢器云陳奠素器而不見親故哀感也者下檀  
弓云奠以素器以生者有哀素之心也又案陳籃籃  
在衣衾之下哀以送之上舊說以喪大斂祭是不見  
親故哀感也○註男踊至送之○正義曰案問喪云  
在牀曰尸在棺曰柩動尸舉柩哭踊無數惻怛之心  
痛疾之意悲哀志滿氣盛故相而踊之婦人不宜祖  
故發胸擊心爵踊啟々田々如壞牆然則是女質不  
宜極踊故以擗言之擗此女既有踊則男亦有擗是  
互文也云祖載送之者案既夕禮柩車遷祖質明說  
遷祖奠日側徹之乃載鄭註云乃舉柩卻下而載之  
又云商祝飾柩及陳器訖乃祖註云還柩鄉外為行  
始又檀弓云曾子用於負夏主人既祖鄭云祖謂移  
柩車去載處為行始然則祖始也以生人將行而飲  
酒日祖故柩車既載而設奠謂之祖奠是祖載送之  
之義也○註宅墓至卜之○正義曰云宅墓穴也兆  
塋域也者此依孔傳也案士喪禮筮宅鄭云宅葬居  
也詩云臨其穴惴惴其慄鄭云穴謂冢壙中也故云  
宅墓穴也案周禮冢人掌公墓之地辨其兆域則兆



是塋域也云。葬事大故上之者此依鄭註也。孔安國云恐其下有伏石漏水泉復為市朝之地故上之是也。立廟至享之。正義曰立廟者即禮記祭法天子至土皆有宗廟云。王立七廟曰考廟曰王考廟曰皇考廟曰顯考廟曰祖考廟皆月祭之遠祖為祧有二祧享嘗乃止。諸侯五廟曰考廟曰王考廟曰皇考廟皆月祭之顯考廟祖考廟享嘗乃止。大夫立三廟曰考廟曰王考廟曰皇考廟皆月祭之。士二廟曰考廟曰王考廟皆月祭之。無廟斯則立宗廟者為能終於事親也。舊解云宗尊也。廟貌也言祭宗廟見先祖之尊貌也。故祭義曰祭之日入室僂然必有見乎其位。周還出戶愴然必有聞乎其歎息之聲是也。祔祖謂以亡者之神祔於祖也。檀弓曰卒哭日成事是日也。以吉祭易喪祭明日祔祖父則是卒哭之明日而祔未卒哭之前皆喪祭也。既祔之後則以鬼禮享之。然宗廟謂土以上則春秋祭祀兼於庶人也。寒暑至思也。正義曰案祭義云霜露既降君子履之必有懷捨之心非其

寒之謂也。春雨露既濡君子履之必有懷捨之心非其必。有林惕之心如將見之是也。生事愛敬死事哀

感生民之本盡矣。死生之義備矣。孝子之事親終矣。愛敬哀感孝行之始終也。備陳死生之義以盡孝

子之情。疏言親生則孝子事之盡於愛敬親死則孝子事之盡於哀感生民之宗本盡矣。死之義理備矣。孝子之事親終矣。言十八章具載有此義。愛敬至之情。正義曰云愛敬哀感孝行之終始也。者愛敬是孝行之始也。哀感是孝行之終也。云備陳死生之義以盡孝子之情者言孝子之情無所不盡也。

孝經註疏卷第九



*(Faint bleed-through text from the reverse side of the page, including characters like 五、王、日、天、愛、遊、東、湖、敬、秋、林、文、餘、勤、樂、天、志)*

# 寛政二年庚戌六月再板

## 京都書林

西堀川通佛光寺下町

### 唐本屋吉左衛門



